

„Jou sing man tau - vun Herrn Pasturn sien Kauh“

Kennt ji all dat niege Leed?

*Kehrrheim: Hei sing' man tau, sing' man tau
vun Herrn Pasturn sien Kauh, jau, jau,
sing' man tau, sing man tau vun Herrn Pasturn sien Kauh!*

1

*Kennt ji all dat niege Leed, niege Leed, niege Leed,
wat dat ganze Döörp all weet
von Herrn Pasturn sien Kauh?*

2

*Ostern wier se dick un drall, dick un drall, dick un drall,
Pingsten leeg se doot in'n Stall,
uns Herrn Pasturn sien Kauh!*

3

*As se würd in Stücken snäd'n, Stücken snäd'n, Stücken snäd'n,
hätt dat ganze Döörp wat kräg'n
vun Herrn Pasturn sien Kauh.*

4

*Müllers Kinner hebben 't verrotten, hebben 't verrotten, hebben 't verrotten.
Sünndag geew't von 't Swien den' Broden
vun Herrn Pasturn sien Kauh.*

5

*Un de olle Opapa, Opapa, Opapa,
de stoppt sien Piep mit Kauh-Aa
vun Herrn Pasturn sien Kauh*

6

*Un de Küster Dünnelang, Dünnelang, Dünnelang
kreeg den' Stiert as Klockenstrang
vun Herrn Pasturn sien Kauh.*

7

*Un de olle Englisch – Miss, Englisch – Miss, Englisch – Miss
kreeg 'n nieges Tähn – Gebiss
vun Herrn Pasturn sien Kauh.*

8

*Un de dicke Gastwert Bilch, Gastwert Bilch, Gastwert Bilch
schreef dor up sien Wirtshuusschild:
„Tau Herrn Pasturn sien Kauh!“*

9

*Un' de olle Stadtkapell, Stadtkapell, Stadtkapell,
de kreeg 'n nieges Trummelfell
vun Herrn Pasturn sien Kauh.*

10

*Un de olle Füerwehr, Füerwehr, Füerwehr,
de kreeg 'n Pott mit Wagensmeer
vun Herrn Pasturn sien Kauh.*

11

*Uns lütt' Swester Edeltraut,
de hätt' so giern ne dicke Hut
von Herrn Pasturn sien Kauh.*

12

*Un' so spräkt de Dokter Zelck:
Drinkt man düchtig Boddermelk
Von Herrn Pasturn sien Kauh.*

13

*Un nu kümmt dat Allerbest, Allerbest, Allerbest:
De Kauh, dat is 'n Ossen west,
uns' Herrn Pasturn sien Kauh!*